



Torah écrite (pentateuque) - Genèse

Chapitre 45

- 45,1 ולא יכל יוסף להתאפק, לכל הנצבים עליו, ויקרא, הוציאו כל-איש מעליו, ולא-עמד איש אתו, בהתנדע יוסף אל-אחיו.
45,2 ויתן את-קלו, בבכיו; וישמעו מצרים, וישמע בית פרעה.
45,3 ויאמר יוסף אל-אחיו אני יוסף, העוד אבי חי; ולא-יכלו אחיו לענות אתו, כי גבהו מפניו.
45,4 ויאמר יוסף אל-אחיו גשו-בא אלי, ויגשו; ויאמר, אני יוסף אחיכם, אשר-מכרתם אתי, מצרימה.
45,5 ועתה אל-תעצבו, ואל-יחר בעיניכם, כי-מכרתם אתי, הנה: כי למתיה, שלחני אלהים לפניכם.
45,6 כי-זה שנתים הרעב, בקרב הארץ; ועוד חמש שנים, אשר אין-חריש וקציר.
45,7 וישלחני אלהים לפניכם, לשום לכם שארית בארץ, ולהחיות לכם, לפליטה גדלה.
45,8 ועתה, לא-אתם שלחתם אתי הנה, כי האלהים; וישמיני לאב לפרעה, ולאדון לכל-ביתו, ומשל, בכל-ארץ מצרים.
45,9 מהרו, ועלו אל-אבי, ואמרתם אליו כה אמר בנך יוסף, שמני אלהים לאדון לכל-מצרים; רדה אלי, אל-תעמד.
45,10 וישבת בארץ-גשן, והיית קרוב אלי--אתה, ובניך ובני בנך; וצאנך ודקרך, וכל-אשר-לך.
45,11 וכלכלתי אתך שם, כי-עוד חמש שנים רעב: פן-תורש אתה וביתך, וכל-אשר-לך.
45,12 והנה עיניכם ראות, ועיני אחי בנימין: כי-פי, המדבר אליכם.
45,13 והגדתם לאבי, את-כל-כבודי במצרים, ואת, כל-אשר ראיתם; ומהרתם והורדתם את-אבי, הנה.
45,14 ויפל על-צוארי בנימן-אחיו, ויבך; ובנימן--בכה, על-צואריו.
45,15 וינשק לכל-אחיו, ויבך עליהם; ואחרי כן, דברו אחיו אתו.
45,16 והקל נשמע, בית פרעה לאמר, באו, אחי יוסף; ויטב בעיני פרעה, ובעיני עבדיו.
45,17 ויאמר פרעה אל-יוסף, אמר אל-אחיך זאת עשו: טענו, את-בעירכם, ולכו-באו, ארצה כנען.
45,18 וקחו את-אביכם ואת-בתיכם, ובאו אלי; ואתנה לכם, את-טוב ארץ מצרים, ואכלו, את-חלב הארץ.
45,19 ואתה צויתה, זאת עשו: קחו-לכם מארץ מצרים עגלות, לטפכם ולנשיכם, ונשאתם את-אביכם, ובאתם.
45,20 ועינכם, אל-תחס על-בליכם: כי-טוב כל-ארץ מצרים, לכם הוא.
45,21 ויעשו-כן בני ישראל, ויתן להם יוסף עגלות על-פי פרעה; ויתן להם צדה, לדרך.
45,22 לכלם נתן לאיש, חלפות שמלת; ולבנימן נתן שלש מאות כסף, וחמש חלפת שמלת.
45,23 ולאביו שלח כזאת, עשרה חמרים, נשאים, מטוב מצרים; ועשר אתנת נשאת בר-לחם ומזון, לאביו--לדרך.
45,24 וישלח את-אחיו, וילכו; ויאמר אליהם, אל-תרגזו בדרך.
45,25 ויעלו, ממצרים; ויבאו ארץ כנען, אל-יעקב אביהם.
45,26 ויגדו לו לאמר, עוד יוסף חי, וכי-הוא משל, בכל-ארץ מצרים; ויפג לבו, כי לא-האמין להם.
45,27 וידברו אליו, את כל-דברי יוסף אשר דבר אליהם, וירא את-העגלות, אשר-שלח יוסף לשאת אתו; ויחסי, רוח-יעקב אביהם.
45,28 ויאמר, ישכאל, רב עוד-יוסף בני, חי; אלקה וארצנו, בטרכם אמות.



Voyons plus clair

Une mise en perspective des grandes thématiques de l'actualité à la lueur de l'érudition juive véritable.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions